



Alles wat geer
mot weite euver de
sjieke **vastelaovend**
in **Göttekaove!**

't Scepterke

ES DAE 'NS KALLE KOOSJ!

CV DE TUURHOUTERS | EDITIE 2025

Veer zeen **de Tuurhouters,**
ver sjtaon d'rom bekend,
dat zo gaw ver benne zeen
't faes direk begint.

Veer zeen **Tuurhouters,**
en maak dich mer neet bang
es die van Göttekaove faeste kènne,
kalle die neet lang



Leef Tuurhouters & Tuurhouterinnekes,

Veur uch ligk de tweade ediesie van 't Scepterke.
't Programmabeukske veur vastelaovend vierend
Göttekaove. Dit jaor weer net get sjieker es de
veurige ediesie. Spesjaal dankwoord aan Stefanie
Muris die weer de ganse grafische vormgaeving
veur hōor raekening haet genumme.

Es pap van de prins kiek ich natuurlik trōk op ein
bezunjer jaor. 33 jaor naodat Margriet en ich de
scepter euver t Tuurhouterriek maogde sjweije
veel dees ear aan Dave te beurt. Saame mit 't
jeugprinsepaar Kjell en Lola hōbbe veur ein
geweldig sjiek vasteloaves seizoen belaeft.
Vanaaf de oetreuping tot aan esjelegoonsdig aan
ein sjtōk genaote van alles wat de vastelaovend
veur ōs in petto haw.

9 November zeen v'r dènk ich es easjte vereeniging
in Limburg gesjart aan ein nuut seizoen mit de
oetreuping van ōs nuuj Prinsepaare. Prins Edwin I
mit zien Prinses Bianca en Jeugprinsepaar Axel en Iley.
Same mit hun kènne veur ōs opmaake veur ein langk en sjiek
seizoen. Vanaaf dees plaats wil ich hun van harte feliceere mit
hun oetverkeezing en hun heal vōöl sjpas en plezeer wunsje mit
alles wat de Tuurhouters te beeje hōbbe. Waat d'r allemaol te doen
is kōmmende waeke kent geer in dit beukske laeze. Dank geit alvas
nao alle vrieuwilligers en sponsore die dit allemaol meugelik make.

Ich wunsj uch dan auch heal vōöl laes plezeer en houp dat dit
beukske benne hendjbereik blif zoadat g'r precies wèt waat wienea
te doen is. Op nao weer eine sjieke vastelaovend!

Alaaf, Vors Peter

25

jannewarie

Vrouwluujzitting
aanvang: 14:11 oer
In 't Tuurhoes

26

jannewarie

Mansluujzitting
aanvang: 11:00 oer
In 't Tuurhoes

02

fibberwarie

Prinsereceptie
aanvang: 11:11 oer
In 't Tuurhoes

21

fibberwarie

Vastelaovend Kantien
aanvang: 19:00
In de kantien

22

fibberwarie

Vastelaoves zitting
aanvang: 20:11 oer
In 't Tuurhoes

28

fibberwarie

Sjleuteleuverdrach
aanvang: 19:00 oer
In Auwt Einekoeze

01

maart

Auwt Wieverbal
aanvang: 20:11 oer
In 't Tuurhoes

02

maart

JV 't Waeske
aanvang: 19:11 oer
In 't Waeske

03

maart

Optoch / Optochbal
aanvang: 14:11 oer
In 't Tuurhoes

04


maart

Familiemiddig
aanvang: 15:30 oer
In 't Tuurhoes

05

maart

Heeringbiete
aanvang: 20:00 oer
In 't Tuurhoes



**Kiekjes oet
de auw doos!
Wet geer nog?**





Prins Edwin I

Prinses Bianca

- 2025 -

Prins Edwin:

Gaer zou ich michzelf effe wille veursjtèlle es uche nuuje Prins van de Tuurhouters. Miene naam is Edwin van der Klip en ich bèn gebaore en getaoge in Zitterd. In t dageliks laeve bèn ich werkzaam es Proces-Engineer bie VDL-Special Vehicles, in Bor, woo ich mich veurnamelijk bezighoud mit 't verbaetere van productie processe, kwaliteit en welke luuj en gereidsjap ich dao bie neudig hób.

Naeve mien werk hób ich ein aantal hobby's die mich enorm vööl voldoening gaeve, zo es mountainbike, motorrieje, 't 3^{de} elftal van vv Zwentibold coachen.

Bianca en ich hóbbe same eine zoon dae in 2016 Jeugprins is gewaes van de Tuurhouters. Dit jaor maog ich mit trots zègke dat ich de eer hób om de scepter te sjweije euver 't Tuurhouterriek. Same mit de Sjröbelkes vier ich al jaore de vastelaovend en same hóbbe veer ónvergaetelikke momente belaeft.

Mit vööl sjpas en plezeer en natuurlik ein good glaas beer in de henj, kiek ich d'r nao oet om same mit 't jeugprinsepaar en de raad van 11 en natuurlik mit uch allemaol de sjoonste vastelaovesdaag te belaeve.

Dus: riet uch ein pekske oet de kas, sjmeer uch get sjmink in 't gezich en doot mit ós mit dees daag. Laote veer d'r same ein sjiek seizoen van make vol plezeer, vrundsjap en tradities.

Prinses Bianca:

Auch ich maog mich effe veursjtelle, ich ben gebaore en getaoge oppe "Beukeboom" in Göttekaove ein richtig Tuurhout dus. In 't dageliks laeve wirk ich bie Rousseau chocolade in Zitterd. Ich doon vanalles van productiewerk en inpakke tot 't make van bestellinge veur klantje. Verder gaon ich bootcampe bie Femfit en gaon ich gaer ein sjtök wanjele of fitse. Op vakantie gaon doon ver auch gaer mit ós kipke, de caravan. Ein lekker glaas beer drénke mit vrunj doon ver auch regelmaotig.

Om noe veurop te maoge gaon mit de vastelaovend is eine druim dae oetkump. Same mit ós Jeugprinsepaar en wieze raad en uch allemaol gaon veer der eine ónvergaetelikke tied van make en daarom mien motto:

Vastelaovend viers ze neet allein mer vastelaovend viers ze allemaol same.

Tuurhouters alaaf!

Jeugprins Axel

Jeugprinses Iley

- 2025 -

Bie deze wille veer, De Tuurhouters van Göttekaove,
uch van harte oetneudige óm

Edwin & Bianca van der Klip

te kómme feliciteere mit hun oetverkeezing tot

Prins Edwin I & Prinses Bianca

van De Tuurhouters van Göttekaove

Same mit 't nuuje jeugprinsepaar

Prins Axel & Prinses Iley

Axel Coenen & Iley Schoutissen

hawte zie dees resepsie op zunjig 2 fibberwarie
van 11:11 oer tot 13:11 oer in gemeinsjapshoes
't Tuurhoes aan de Kirksjtraot in Göttekaove

Auch wille veer op dees resepsie sjtilsjtaon bie 't jubileum van

Peter Kentgens 3 x 11 jaor & Peter Muijres 1 x 11 jaor

**Zeen veer uch auch
op 2 fibberwarie?**

Effe beppe mit Beppie

In gesjrek mit Beppie Kraft

Wat vènjt g'r sjooner, optraeje veur 200 man in eine kleine zaal of veur 20.000 man op ein boetepodium?

"Optreden voor 200 man is voor mij even fijn als voor 20.000 als het maar feest is."

Wat vèntj g'r zelf 't sjoonste vastelaovesnummer ooit gemaak van angere en wat vèntj g'r zelf uch sjoanste vastelaoves leedje?

"Halt mich ins vas "vaan Frans Pollux en "Heer speulde accordeon."

Höb g'r op muzikaal gebied nog wunsje, woomit g'r òs in de toekomst nog wilt verrasje, beveurbeeld optraeje mit Andre op 't Vriethof of ein groat concert in Spanje?

"Alletwie neet, Andre zit neet te wachte op miech en in Spanje treij ich neet op. Misschien wel oets unne kier in de theaters mèt miene eige show?"

Van welk angertalig nummer zouwt g'r ein limburgstalig nummer wille make?

"Fragile vaan Sting."

Letste vraog, wat is vastelaovend veur uch, boete optraeje?

"Vastelaovend is ut fees vaan verbinding en verbroedering boe alle range en stande wegvalle en dat is veur miech ut sjoene vaan de Carneval."

25 jannewarie



Pruuf Mar • Erwin
Sanny & Myron
Claire • Frans Theunisz

In 't Tuurhoes
Zaal aoep: 14:00 oer
Aanvang: 15:00 oer

Silvie's
PUUR EN UNIEK

JUMBO

HILKENS, Born Kapelweg 4a

MURIS
BOUW
SPECIALIST IN BOUWEN MET HOUT

DTM
DOUWSERVICE



26 jannewarie

Komedie mit o.a. Rob van Elst
Denskes • Echt Faut
Sjef Diederren Tribute
Die Geile Mädeln

Mit sjepek &
ei ontbijt, braot-
woosj brunch en
frittewage veur dae
ech hónger haet!

In 't Tuurhoes
Zaal aoep: 09:30 oer
Aanvang: 11:00 oer

21 fibberwarie


In de kantien

Oetreuping prinsepare van
VV Zwentibold en KV Gazelle!

Vanaaf: 19:00 oer veur kènjer
Vanaaf 21:00 veur volwassene



Prins
Wil VII




ZZAPPS

 **COENEN**
AUTOMATISCHE
DEUREN

MAR©ANT

Ich gaef de scepter door...

Wat waar dit sjiek! Van oetreuping tot aaftraeje höb ich genaote. Ich haop dat geer same mit mien toppers Kjell en Lola auch ein geweldig seizoen höb gehad. Miene dank geit dan auch oet nao jederein dae dit meugelik haet gemaak. Maar auch wil ich uch, de vastelaovesvierders, bedanke. Zónger uch heij ich veur eine laege zaal gesjtange en waore veer mit ós drieje allein in de optoch. Bedank dat ger zovööl tied en meujte in de vastelaovend höb gesjtaoke.

Veer zeen neet allein in 't dörp gebleeve, mit Kjell zeen v'r de vriedig nao zittert getrókke om dao de vastelaovend aaf te trappe. Op de zaoterdig, toen de res van 't dörp nog op ein oor laog en aan 't biekómme waar van de sjeuteleuverdraag, zoote veer in de auto op waeg nao de zoepkoel veur ein optraeje van Lola. Deze en al die anger sjoan momente zal ich neet meer vergaete.

Ich gaef noe de scepter door aan Prins Edwin en zien prinses Bianca. Ich wunsj ze, same mit jeugprins Axel en jeugprinses Ileyy heel vööl plezeer en geneet van elk moment, want veur se 't wèts is 't veurbiej mer bès ze waal heel vööl sjoan herrineringe rieker.

Nogmaals hartelijk bedank allemaol. Van de doorgewèntjerde vastelaovesvierder dae niks wól misse tot de gene dae allein op maandjig mit ein nónnevòt haet genaote van de optoch. Zónger uch waar de vastelaovend healemaol niks. Dankjewel!

Auwt prins Dave I



Sam, Saar & Lola

Vastelaovend is mien dènk

Sam, Saar & Lola
Teks & meziek: Thei Wessels

Vastelaovend is mien dènk
Hie is fees in eine wènk
En ich sjees d'r knoerhel in
Vastelaovend, waat hób ich zin!

Vastelaovend is mien dènk
Waat ein sirk hie oppe plenk
En ich mirk al in april:
Vastelaovend is waat ich wil!

Druim mer lekker miene druim in
Gekke sjpas dae kómme geit
En de res kènt mich de buim in
Miene jas hingk al gereid
Mer ich bèn nog eigelik neit meug
In d'n tied pès mörgevreug

Noe bèn ich neit aaf te kuile
En mien bèd zijweef door de lóch
Dao ligk ich dan in te wuile

Dat is vèt mer neit genóg
Went ich vleeg nao gekke feeste haer
Es ich mörge wakker waer

Kump de pap óm zös oer heyvesj
Zaet de mam: "Gank sjlaope, doe
zeivers"

En waat druim ich dan (2x)
En waat druim ich lekker dan:



Waat ein sjiek jaor waor `t veur ós
auwt-jeugprinses Lola, neet allein
oetgeroope es ós Jeugprinses veurig
jaor, mer auch nog `ns saame mit Sam
en Saar de finale wènnere van 't Kinjer
Vastelaovend Leedjesfestival mit 't
leedje Vastelaovend is mien dènk.

Waat waore (en zeen v'r nog ummer)
greutsje op de dames. Uiteraard waore
v'r saame mit de Doale oet Lömmerich
aanwezig bie de finale in Heel om de
dames aan te moedige.

Hoogte punt waor toch waal 't optraeje
op de Boëtengewoeëne Boëtezitting in
de zoepkoel in Venlo woo Prins Dave
en jeugprins Kjell same mit ein klein
delegatie van de raad veur waore
oetgeneudig om dao bie aanwezig te zeen.

22 fibberwarie

Vastelaoves zitting

Mit o.a La Bamba en Beppie

In 't Tuurhoes
Zaal aoep: 19:00 oer
Aanvang: 20:11 oer



1 maart

Auwt Wieverbal

Mit de Badmötse!

In 't Tuurhoes
Zaal aoep: 19:30 oer
Aanvang: 20:11 oer



Wae is dae auwt prins Hans eigenlijk?



Auwt prins Hans de Eesjte, ziene volledige naam is Hans van der Velde. Hae waor prins in 1974. Jaore langk wooste v'r neet wie d'r eigenlijk oetzaog, d'r waor namelijk gein foto van 'm. Hae hong dan waal in 't Tuurhoes tösje al

die anger Auwt prinse, mer in zien fotolieske zaot gein foto mèr ein aafbeelding van ein tuurhout!. Pas later is d'r ein foto gevónje van 'm en noe is 't tuurhout vervange door zien foto. Dus daomit is ein sjtökske van 't misterie rónjdóm Hans de Eesjte opgelos, hae haet ein gezicht noe.

Mer d'r is toch nog vööl neet bekend euver deze auwt prins, wae is deze Hans eigenlijk? Neemes waet dat eigenlijk precies, hae waor neet van Göttekaove, kaom van boete! Waat v'r waal weite is dat d'r op de Beukeboom op nr. 4a de Candyshop teeves frituur hauw.

Zoals gezag, hae is in 1974 oetgeroope es Prins Hans de Eesjte, Giel Salden waor toen Vorst. De keuze veur Hans waor gemaak omdat d'r eigenlijk gein kandidaat prinse waore. Es prins haet d'r 't euveriges good gedaon!, dus achteraf gein verkeerde keuze. Oeteindelijk is Hans van Göttekaove nao Lömmerichterveldj verhoes, dao haet d'r neet lang meer gewoond en van dao oet is men eigenlijk 't sjpaor auch kwiet geraak, hae is op ein gegaeve auch weer oet Lömmerichterveldj vertrokke, mer woohaer?.... dat wèt neemes!



HOEVE Hub Notermans

Carshop

RUTGER STEVENS
TWEEWIELER SERVICE

📍 DORPSSTRAAT 34
6143 AX GUTTECOVEN

☎ +31 6 30 00 69 83

Henri & Ingrid Knops

Tuurke meint:
Auw mök, motte veer ech nog tot maart wachte om vastelaovend te kenne viere?

Babbele mit La Bamba

In gesjprek mit Harrold & Ron

Wat vènjt g'r sjooner, optraeje veur 200 man in eine kleine zaal of veur 20.000 man op ein boetepodium?

Harrold: "Wie kleiner wie knusser...
Dus 200 man in unne kleine zaal."

Ron: " 't Haet allemaol zien sjarme en kins 't neet mitein vergelieke mer ein klein kefeeke is toch 't allerleukste."

Wat vèntj g'r zelf 't sjoonste vasteloavesnummer ooit gemaak van angere en wat vèntj g'r zelf uch sjoanste vasteloaves leedje?

Harrold: "Van Eijsde tot de Mookerhei en Knetterrrrgek van ós zelf."

Ron: "Good geammezeerd (LVK winnaar 2001) en Ederein van ós zelf."

Wat zou veur uch vetter zeen, 't LVK nog eine keer wène of ein hit in de top 40?

Harrold: "LVK winne"

Ron: "TOP 40 hitje"

Van welk angertalig nummer zouwt g'r ein limburgstalig nummer wille make?

Harrold: "Welk? Is nog effe 'n verassing"

Ron: " Zingen ay ay jippie jippie jee"

Letste vraog, wat is vastelaovend veur uch, boete optraeje?

Harrold: "Mit vrunj eine drinke"

Ron: "Zoea lang meugelik sloope, lekker aete, glaeske beer oppe buhn en euverdaag energie spare veure optraejes van dae daag"

Bonus vraog, höb g'r op muzikaal gebied nog wunsje, womit g'r ós in de toekomst nog mit wilt verrasje?

Harrold: "De tent bie uch aafbraeke"

Ron: "Zit nog vanalles inne pen"

Loester Radio Tuurhout!

Göttekaovese vasteloavesradio sinds 2021
Auch dit seizoen kènt geer weer tot aan esjelegoonsdig loestere nao Radio Tuurhout, 24 oer per daag leedjes oet Göttekaove. Neet allein alle leedjes van alle leedjeskonkoere, mer auch leedjes van Revu's en zittinge!


Sjtöm aaf en loester
nao Radio Tuurhout via
www.radiotuurhout.nl





Optoch maandig 2016
Geer zeet hie Edwin
en Bianca, ós huidige
prinsepaar. Zou dit al
eine hint zeen gewaes
nao Vors Peter?

Kiekjes oet
de auw doos!
Wet geer nog?



Leon, bedank!

In dees editie van 't Scepterke wille veer gaer gebroek make van de kans óm eemes in 't biezunjer te bedanke. Ein steevaste krach achter heel vööl activiteiten in de Göttekaovese vastelaovend. Ozze Leon duit nao 26 jaor bie de Tuurhouters actief te zeen gewaes ein sjtepkke truuk. Nondejuu heur veer uch dënke! Wae geit d'r noe al die technische en logistieke vraagsjtökke oppakke?

Leon is neet eemes dae op de veurgróndj leep te pronken. Hae zörgde veural dat de motor achter de sjerme good bleef rónke. De man dae in de tied van de Revue oereleng decorsjtökke en ein podium inein sjtóng te tummere, Euver 't in de late uurkes oetzaege van de Prinsenletters heurdese hööm nooit ummere.

Jaorelangk haet hae luuj oet Göttekaove en omsjtreke van pintjes veurzeen. Toen hae

begoosj lurkte meinigeen nog neet 'ns aan eine sjeepen. De welkomsborde aan de rendj van 't dörp kómme ouch van ziene hendj.

En hae haet ein enorm aandeil gehad aan de opboew van ózze tempel nao de brendj. D'r is gein heukske in 't Tuurhoes wo deze man neet haet gezaete, van de kroepkelder tot de zonnepanelen, neet te vergaete. Wat hae euver die jaore allemaol haet gedaon is helemaol top.

De nuuj generatie is noe aan zèt, vang dat allemaol mer ens op. Leon verwachte veer dan uiteraard ouch weer gezellig bie de partij, mit ein pintje aan 't buffet rammelt hööm vas en zeker nog die priej.

Leon, vanoet ós allemaol hartsjikke bedank veur de inzet en energie dies dich euver de jaore haer in ózze vastelaovend höbs gesjtaoke.


2 maart

De grote
vastelaoves
show #3

JV 't Waeske | aope vanaaf: 17:00 oer | aanvang: 19:00 oer

Mit o.a.
Eine quiz
Masked singer
De alleskenner

FYNN
MAKELAARDIJ



TG-logistics



AMEBO



Effe puzzele!

N	S	B	O	G	D	P	O	L	O	N	A	I	S	E	A	X	E	L	L
K	E	W	I	M	M	J	C	P	G	N	U	A	M	U	X	M	Q	W	X
W	A	O	L	L	M	T	E	D	W	I	N	V	T	N	J	C	M	H	Y
R	J	M	E	D	R	R	W	M	X	Z	S	A	O	Z	F	Q	O	J	K
B	B	G	E	F	R	B	T	N	L	X	J	C	L	S	K	X	V	E	D
U	B	V	Y	Q	R	X	K	P	I	S	R	F	S	A	I	B	B	K	H
M	T	M	T	J	K	Q	I	Z	E	X	O	Y	J	C	A	H	Z	Y	F
O	P	T	O	C	H	D	X	Q	F	B	B	L	P	J	E	F	A	E	K
S	X	A	M	T	L	U	C	C	M	T	B	B	T	E	S	P	U	L	C
I	C	S	G	E	L	B	H	P	A	N	E	P	I	U	J	E	W	E	O
C	X	E	Z	I	D	Q	I	K	N	O	L	C	F	G	K	U	T	Q	N
Z	T	N	P	F	O	A	M	A	S	K	E	H	T	I	R	Y	W	K	F
X	I	Y	B	T	Z	E	I	B	N	K	R	I	U	Z	U	D	I	P	E
W	D	T	R	U	E	K	A	L	Z	C	V	P	U	U	U	E	E	K	T
O	C	C	T	X	A	R	U	I	L	G	A	S	R	M	T	V	V	G	T
R	Q	B	M	I	A	L	Q	R	X	E	X	T	H	U	S	F	E	U	I
O	N	M	F	M	N	B	F	S	T	P	Q	W	O	T	K	I	R	K	H
A	C	S	C	T	A	G	H	A	J	P	U	U	U	R	E	X	B	D	X
D	B	A	D	M	U	T	S	E	D	H	M	V	T	L	G	U	A	R	Q
O	E	F	U	X	H	Y	M	G	B	C	S	G	F	P	M	K	L	V	F

TUURHOUT
EDWIN
BIANCA
ILEEY
AXEL
OPTOCH
SCEPTER

ALFA
ROAD
LIEFMANS
BADMUTSE
SJROBBELER
CHIPS
ALAAF

CONFETTI
MEDAILLE
ZITTING
AUWTWIEVERBAL
POLONAISE
ESJKRUUTSKE

Guus
Steinen

Waereldberoemd in Göttekaove

Nao ein besjloet van Guus om te sjtoppe mit optraeje, besjloote auch de anger leeje van Don Kiesjot, nao good euverleg, óm d'r auch mit te sjtoppe, dit maakte Don Kiesjot begin van aafgeloupe jaar bekend, alles optraejes in 't seizoen höbbe ze aafgemaak en op 2 juni 2024 waar dan 't grote aafsjet van 't publiek, no eine keer sjtóng Don Kiesjot op de buhn.

De meiste luuj zulle Guus kenne van Don Kiesjot, en uiteraard Kartoosj. Mer Guus waar al waereldberoemd in Göttekaove wiet veur 't tiedperk Don Kiesjot en Kartoosj. Zo waar Guus ongerdeel van de Zjweitveut, deze groep waar op zittinge en revu's in Göttekaove vaak te zeen en heure, Guus waar ein van de leedjessjriever. Op 11-11-1981 wón Guus same mit John Wauben en Francien Köhnen de 6de editie van 't LVK en dao mit woort "Zoa moosj 't kenne blieve" 't wènnende LVK leedje van 1982!. Mit Trio Poepchique waar Guus auch regelmatig op de buhn te venje in Göttekaove, ze brachte dan kolder en meziek.

In 1993 vonj 't eesjte Göttekaoves Leedjes Konkoer plaats, auch dit waar ein idee en initiatief van Guus. 't Wènnende leedje van dat eesjte GLK waar "Bie Hub van Salde in de verkessjtal" van Trio Poepchique mit Elmie Hermans, gesjreve door Guus. In november 1996 wónne de dames van "Veer gaon gaer" 't Göttekaoves Leedjes Konkoer mit 't leedje "Veer sjtaon in 't road", auch ein creatie van Guus. Op 31 januari 1997 sjtóng de dames mit datzelfde "Veer sjtaon in 't road" in de finale van 't LVK! In november 1998 wónj 't 4de GLK plaats en winnaar waore Trio Poepchique & Peter de Bekker mit 't leedjes "Veer gaon wie 'ne wèk", 3 maonjd later sjtóng ze in definale van 't LVK 1999.

Ondanks de drökke agenda van Guus de afgeloupe jaore, zeker tiejes 't vastelaovesseizoen, is d'r nog ummer zeer betrokke en deil van de organisatie van 't Göttekaoves Leedjes Konkoer, en in 2024 vonj dao de 13de editie van plaats.

Same mit Michèle Tummers vormde Guus in de jaore 90 ein duo, in 1994 zóng ze 't leedje "Veer hawte same", woovan de teks van de hanjd van Guus is. "Veer hawte same" versjeen in datzelfde jaor op de CD van 't 2de Göttekaoves Leedjes Konkoer. "Veer hawte same" greujde oet tot eine klassieker omdat dit nummer jeder jaor op vastelaovesdendig mit de aafsjoeting van de vastelaovend door alle aanwezige volloet wurt gezóng.

In november 2016 vierde veer es Tuurhouters ós 6x11 jaorig jubileum, speciaal veur dit jubileum sjreef Guus de jubileumsjlager "Veer zeen de Tuurhouters", dit leedje versjeen same mit angere leedjes oet eerdere revu's en leedjeskonkoere op de speciale jubileum CD mit de dezelfde titel: "Veer zeen de Tuurhouters". Dit nummer wurt nog vaak gebroek es v'r es vereniging op recepties nao veure waere geroepe!.

Veur 't LVK 2025 haet Guus drie leedjes ingezonje: "Feek Nuuts" van de Knöppele, "Veer verstoon us" van Duo X Elle en "De sjäöre en knäöre wals" van Koeraasj, hae is dan waal gesjtop, mer sjtilzitte duit t'r absoluut neet, veer zulle nog vööl van 'm zeen en heure veural!

Veer hawte same

Guus Steinen & Michèle Tummers

Teks: Guus Steinen

Meziek: Tommy Engel, Dieter Jaenisch, Guenter Lueckerath, Peter Schuetten, Ernst Stoklosa, Hartmut Priess

Zo zal 't ummer blieve gaon,
in 't plaetsjke woa ich woon
hie tèle gein name,
hie doon ver 't same,
en dat is sjoon...

Dao wao get môet waere gedaon,
es m'n de henj inein môet sjaon,
dan leet m'n zich heure,
't zal môtte gebeure,
en 't wurd gedaon...

Wat auch gebeurt,
dat eine dat is woar,
doe zuus 't hie zo dèk,
zo meinig maol per jaor;

Veer hawte same,
egaal wat zich auch veurdeit,
egaal wat auch gebeurt,
veer hawte same.....

Wie dat hie bie ôs zo geit,
meis' wurd gelache,
soms is d'r auch leid,
mer hie höbste al gawwer,
'n handj oppe sjouwer
m'n sjteit gereit...

3 maart

Optoch

Aanvang 14:11 oer
Opsjtelle achter de kirk
opgaeve via info@tuurhouters.nl

Aansjloetend optochbal
in 't Tuurhoes
Zaal aope: 15:00 oer
Aanvang: 16:00 oer

Gooiemorge Göttekaove!..


18 jaor geleeje dach men tiejes de redactievergadering bie L1 Radio, laote v'r ens nao Göttekaove gaon en dao, live op de radio, versjlaag gaon door van d'n optoch!

En dus rolde in de vreuge mörge van vastelaovesmaondig 19 fibberwarie 2007 de L1 karavaan Göttekaove bènne. Van heure zègge hauwe ze vernomme dat de bèste plaats om de optoch te kieke bie 't kruutz is, dus dao höbbe ze zich dan auch gestationeerd. De versjlaaggaevvers terplaatse waore Tim op het Broek & Rik Nelissen.

Effekes höbbe beide heere gedach of ze neet baeter weer alles zouwe kènne aafbraeke en inpakke, mer achteraf waore ze toch blie dat ze gebleve waore!



Veer höbbe bie L1 de opname van de oetzending opgevraagd en online gezat, zodat geer die weer 'ns kent trök loesterel. Om de oetzending trök te loestere gaot g'r nao deze link: <https://bit.ly/optoch2007>, of g'r scant de QR code.



4 maart

Familiemiddig

Veur jónk en oud!


In 't Tuurhoes
Zaal aope: 15:30 oer
Aanvang: 16:00 oer
Officiële aafsjoeting 21:00 oer

Gratis tuutje chips

Knip dit bunke oet en num 't mit nao de familiemiddig. Dan lik dao ein lekker tuutje chips veur dich klaor!*

**Dit geldt uiteraard veur alle kènjer oet ein gezin;)*





Hawt ózze social media in de gate veur
alle updates, foto's en nog vööl meer!

facebook.com/tuurhouters • youtube.com/tuurhouters
twitter.com/tuurhouters • instagram.com/tuurhouters
www.tuurhouters.nl

Wilste zelf ein leuke foto deile?
Tag ós dan of sjtuur ein mailtje nao info@tuurhouters.nl.
#tuurhouters #göttekaove #veerhauwtesame

Geneet van de vastelaovend!

Tuurhouters Alaaf!



Uche loodgieter en installateur veur:
Centrale verwarming, loodgieterswerk,
klimaat, duurzame oplossinge,
service en óngerhoud

**Auch tiejes de vastelaovend zörge
veer dat geer d'r werm bie zit!**

Veer wunsje uch eine sjieke vastelaovend!

www.decomfortinstallateurs.nl

046 - 4110010